



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Modestia & paupertas.

urn:nbn:de:hbz:466:1-41515

tur Imperij: nec Canisius siue priuatis sermonib⁹,
siue de loco superiore verba faciēs religionis pro-
uehendæ locum ullum omisit.

Iamq; constanter durans tot inter obturban- 1577.
tes, fatigantesq; curas, agensq; semper ac moliens,
atq; vltra promouens aliquid, de Maria Virgine
incomparabili, & Dei genitrice sacrosancta præ-
clara monumenta elaborarat: quæ vel maximo,
& otiosissimo scriptori decora sint. Itaq; vbi pri-
mum finis conuentui impositus est, Ratisbona
Ingolstadium se recepit, editioni eorum coram
ipsem præfuturus. Et quia prius de Ioanne Ba-
ptista opus in Archiducis Ferdinandi nomine e-
misera, Marianum hoc Alberto Duci Bauariæ in
animi grati documentum, pro singulari caritate,
qua Princeps benignissimus Societatem totam
complectebatur, dedicauit. Absoluta est editio
ineunte æstate anni 1577. Ex qua quam nihil sibi
Canisius, nisi laborem assumpserit, vel ex eo faci-
le constat. Quippe cum aliquot librorum eorum
exempla mitteret Romam, satis habuit indicare
quarum habenda ratio personarum videretur in
iis distribuendis, integrum autem voluit esse Præ-
posito Generali, & tradere quibus mallet, & suo,

Marianum o-
pus edit.

Modestia, &
paupertat.

O 2

non

*Mosij de opere
Mariano iudi-
cione.*

non autoris nomine. Quorum cum accepisset vnum Cardinalis Varmiensis, inter cetera de eo sic scripsit. Nec obliuiscetur operis huius tā sancti. Eti Virgo sanctissima, quam sic ornare scriptis tuis es conatus, ut vix quisquam sit, à quo magis fuerit illustrata. Mihi quidem tam exactè scripta videtur omnia, ut quid in hoc opere desiderari possit non videam. Vix expeditum Calchographia operoso negotio Prouincialis Hoffæus ad lustrādam secum prouinciam circumduxit consiliorū socium, & adiutorem: in eoq; discursu, ac munerē reliquum anni præsentis, & proximum pene totum absumpsit.

1578. Prouincialis non eo solum, ut consilio eius,
 1579. & opera iuuaretur, socium sibi illum assumpserat, sed etiam, ut penitus à grauiorum scriptiorū cogitatione auerteret, potissimum quidē, quod nimium fatigari, haud sine graui periculo, ætate iam ingrauescente, Patrem opinabatur in eiusmodi studiis; sed partim etiam quod in abundancia magna rerum agendarum, & inopia corū qui agerent, ad manum habere expeditum, ac promptum cupiebat subsidium: cum ille ynus instar multorum esset, quem ad omnes, maximeque ad subita.